



Acta de la Asamblea Xeneral del Unión Club Ceares

36 presentes

93, 65, 16, 158, 131, 91, 87, 110, 98, 429, 142, 76, 53, 301, 20, 416, 417, 445, 248, 311, 219, 452, 35, 116, 409, 124, 47, 229, 19, 149, 44, 49, 125, 441, 204, 40

Composición de la mesa:

- **Presidente:** Alberto Álvarez García
- **Vicepresidente:** Jairo Aranda García
- **Vicepresidente económico:** Xosé Ramón Fernández Estrada
- **Vicepresidente deportivo:** Iñigo Arza Romero
- **Secretariu:** Carlos Baragaño García
- **Ayalgueru:** Fernando Antuña Montes
- **Vocales:** David Méndez Mier, Gerardo Rodríguez, Roberto Colunga Moro, Marcos Núñez, Borja Glez. Cantora

Nel Campu La Cruz, a les 20:00 hores, en segunda convocatoria, el día 12 de xunu de 2025 va reunise l'Asamblea Xeneral Ordinaria de Soci@s, pa tratar el siguiente orde del día:

1. APROBACIÓN POSTRER ACTA
2. APARTÁU ECONÓMICU
3. APARTÁU DEPORTIVU
4. SOCIAL / INSTITUCIONAL
5. ENTRUGUES / ALDERIQUE

1. LLECTURA Y APROBACIÓN DEL POSTRER ACTA

Apruébase por unanimidá.

2. APARTÁU ECONÓMICU

- Esponse la cuenta de resultaos de la temp. 24/25 y vótense les cuentas. ***APRUÉBASE (unanimidá)**
- Avanza l'alministrativu y contable del club, Xose, dellos detalles del presupuestu de la temp. 25/26 (a presentar más en detalle y votar na viniente asamblea)

- La xunta directiva propón caltener les cuotes de sociu/a de la pasada temp. Vótase y ***APRUÉBASE (unanimidá)**

3. APARTÁU DEPORTIVU

- Infórmase de la situación de la primer plantiya, altes, baxes y renovaciones, pela parte del director deportivu, Iñigo, y respunde a entruques al respetu de dellos socios.
- Per parte la directiva del GFF, Xose informa a l'asamblea al rodiu la situación deportiva del GFF tres l'ascensu d'esta temporada y reestructuración de les categoríes nel fútbol femenín, asina como de la plantiya. Y de cómo afronta'l club la viniente temp. Coméntase per parte del sociu 204 la falta de publicidá nel barriu, más p'allá de la que se fai per rrss, de los partíos y eventos del GFF, y propónse aprovechar el cartelu de los partíos del UCC p'anunciar cola mesma los partíos vinientes del GFF. Queda la direutiva d'ambos clubes en da-y una vuelta al tema a ver si se puede implementar.
- Énte l'ausencia de representación per parte del Veriña CF, encárgase Xose de dar unes breves pincelaes al rodiu de l'actual situación del fútbol base.

4. SOCIAL / INSTITUCIONAL

- Enllazando col últimu puntu del apartáu deportivu en rellación al fútbol base, Xose pon especial énfasis desplicando l'actual bona rellación del UCC col CDMR, cuyu presidente alcuéntrase presente na asamblea, y el conveniu de collaboración d'esti últimu club col GFF. Esti estrechamientu de llazos y collaboración ente los trés clubes fubolísticos del barriu ye recibíu con entusiasmu per parte de la masa social teyera.
- Pela parte d'Iñigo, coméntase'l calendariu de próximos eventos pa ciaristes que van facese en La Cruz al entamu del branu, y afálase a la masa social a involucrase n'echar un gabitu no que se pueda.
- Propón el sociu 56 recuperar la propuesta que se fixo a entamos de la pasada temporada de facer unes octavilles desplicando les cuotes pa la campaña viniente de soci@s, col oxetivu de publicitar la mesma n'eventos estivales, colaboradores, chigres, buzónéu, etc.
- Xose insta a que nesta próxima temporada la masa social eche un gabitu, na midida de les sos posibilidaes, a los llabores de xardinería del campu, faciendo andeches pa retapinar el mesmu los llunes pela tarde. Quédase n'implementar estos llamamientos pelos chats y grupos d'aficionaos/es cuando entame la temporada.

5. ENTRUGUES / ALDERIQUE

- Debátese la propuesta que fixo llegar enantes de la presente asamblea el sociu número 256, de dellimitar y señalar con pegadielles en tribuna los asientos pa l'afición llocal y la visitante pa evitar conatos d'altercaos mientras los partíos. La directiva y una mayoría de los socios presentes creen que colos cartelos que yá existen de 'zona preferente soci@s UCC' na parte de la tribuna más averada al córner suroeste yá ye suficiente pa controlar dicha situación. Y que, si lo creen conveniente quienes se pongan en tribuna, pueden poner dichos cartelos en sitios más visibles de la citada zona p'agrupar ellí preferentemente a l'afición llocal, afalando a los visitantes a que respeten la mesma.

Ensin más asuntos que tratar, remata'l conceyu a les 21.25 hores del día citáu, de tolo cual doi fe y firmo como secretariu y firmo la presente col Vº Bº del presidente.



Vº Bº EL PRESIDENTE

Fdo.: Alberto Álvarez García



EL SECRETARIU

Fdo.: Carlos Baragaño García